



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-639-4/22**
Datum: **02.02.2023.godine**

«Agencija za vodno područje rijeke Save» Sarajevo rješavajući po zahtjevu investitora Durak Muharema iz Fojnice za donošenje rješenja o vodnoj dozvoli za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada klaonice sitne i krupne stoke sa pratećim objektima, izgrađene na lokaciji Bježanija bb, Fojnica, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), donosi:

RJEŠENJE **o vodnoj dozvoli**

1. Investitoru Durak Muharemu iz Fojnice, daje se vodna dozvola za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada klaonice sitne i krupne stoke sa pratećim objektima, izgrađene na lokaciji Bježanija bb, Fojnica, na zemljištu označenom kao k.č. broj: 827 K.O. Fojnica.
 2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
 3. Vodna dozvola se daje na osnovu činjeničnog stanja utvrđenog pregledom dostavljene dokumentacije, izvršenim uviđajem na objektu i pod slijedećim uslovima:
 - 3.1. Da korisnik Durak Muharemu iz Fojnice, obezbijedi da se sistem za prikupljanje, prečišćavanje i ispuštanje tehnoloških otpadnih voda nastalih u procesu klanja stoke, pranje opreme, uređaja i alata, te pranje podova i radnih površina objekata na predmetnoj lokaciji, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Čišćenje mastolova i septičke jame- bazena za tretman tehnoloških otpadnih voda, te odvoz i konačno zbrinjavanje istih, kao i ostalog otpada sa lokacije predmetne klaonice može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja septičke jame, neophodno je voditi službenu evidenciju i arhivu.
 - 3.3. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti utvrđene u Prilogu 8. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).
 - 3.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene

- laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.5. Da se spriječi nekontrolisano rasipanje tečnog i krutog otpada po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite vode za piće, a u cilju zaštite podzemnih i površinskih voda.
 - 3.6. Otpad koji nastaje u postupku rada klaonice sa pratećim sadržajima, te mulj iz postrojenja za prečišćavanje otpadnih voda ne smije se odlagati na česticu «vodno dobro», odnosno u vodotoke i na njegove obale.
 - 3.7. Da se privremeno i konačno zbrinjavanje otpada i nusprodukata koji nastaju u postupku rada klaonice, vrši u skladu sa Zakonom o veterinarstvu i Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša.
 - 3.8. Da se redovno vrši potpuno odvajanje krvi prilikom iskrvavljenja, sistemom odvojenog prikupljanja u posebne posude od inoxa i vrši zbrinjavanje prema uputama i u saradnji sa veterinarskom inspekcijom.
 - 3.9. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 3.10. Da se kod pranja koriste sredstva koja su prikladna okolinskim zahtjevima.
 - 3.11. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.12. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
 - 3.13. Na predmetnoj lokaciji nije dozvoljeno indirektno ispuštanje otpadnih voda u podzemne vode.
 - 3.14. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
 - 3.15. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove dozvole, Korisnik je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta sa pratećim sadržajima obuhvaćenim ovom vodom dozvolom, korisnik zaštitnih vodnih objekata nije odgovoran za nastale štete.
 9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.

10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Investitor Durak Muharem iz Fojnice, zahtjevom zaprimljenim 01.12.2022 godine se obratilo ovoj Agenciji za donošenje rješenja o vodnoj dozvoli za ispuštanje tehnoloških otpadnih i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada klaonice sitne i krupne stoke sa pratećim objektima, izgrađene na lokaciji Bježanija bb, Fojnica, na zemljištu označenom kao k.č. broj: 827 K.O. Fojnica.

U provedenom postupku dostavljena je i pregledana sljedeća dokumentacija:

A. Opšta dokumentacija

- Uvjerenje o poreznoj registraciji izdato 18.07.2011.godine, od strane Porezne uprave – Kantonalni ured Novi Travnik od 27.05.2003 -kopija,
- Kopija uplatnice administrativne takse,
- Rješenje o odobrenju za obavljanje djelatnosti broj: UP1-06-20-133/22 od 25.04.2022 godine izdato od strane Ministarstva poljoprivrede, šumarstva i vodoprivrede Srednjobosanskog kantona,
- Rješenje o odobrenju za građenje štale i klaonice broj: 05-23-512/2001 od 06.09.2001 godine izdato od strane Službe za urbanizam, obnovu i građenje, Općina Fojnica,
- Situacija-osnova prizemlja iz projekta Vodovod i kanalizacija urađenog od strane „Bosnaprojekt“
- Rješenje o vodnoj dozvoli broj UP-I/25-3-40-611-3/13 od 28.10.2013 godine, izdato od strane «Agencije za vodno područje rijeke Save» Sarajevo,
- Ugovor o korištenju deponije smetlišta zaključen dana 15.03.2022 godine sa JKP „ŠĆONA“ d.o.o. Fojnica,
- Izvještaj o monitoringu kvaliteta i kvantiteta otpadnih voda urađen od strane „Inspekt RGH“ d.o.o. Sarajevo, decembar 2022 godine,
- Potvrda o priključku na gradski kanalizacioni sistem broj: 50/23 od 31.01.2023 godine izdata od strane JKP „ŠĆONA“ d.o.o. Fojnica.

B. Tehnička dokumentacija

- Glavni projekat objekta klaonice sa preradom mesa investitora Durak Muharema urađen od strane APB „Bosnaprojekt“ Fojnica, aprila 2001 godine.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 6. iz starog Rješenja o vodnoj dozvoli, zatraženo je očitovanje Službe za naplatu prihoda (vodnih naknada) ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za naplatu prihoda (vodnih naknada) od 06.12.2022. konstatovano je da je podnosilac zahtjeva uredan obveznik plaćanja posebnih vodnih naknada.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata, izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-639-4/22 od 25.01.2023. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Lokacija poslovnog objekta-klaonice sitne i krupne stoke sa pratećim sadržajima (depo za privremeni smještaj stoke, manipulativne površine i dr.), investitora Durak Muharema iz Fojnice se nalazi u Bježanija bb, Fojnica, na zemljištu označenom kao k.č. broj: 827 K.O. Fojnica.

Na predmetnoj lokaciji se nalaze cjeline i to staja za krupnu stoku i sitnu stoku, prostor za klanje (za pripremu, omamljivanje stoke, klanje i iskravljivanje) prostor za obradu trupala, burad za smještaj kože, objekti za sušenje mesa-sušare i prateći objekti (mastolov, trokomorna septička jama, manipulativne

površine) i drugi prateći sadržaji vezani za djelatnost klaonice i pogona za preradu mesa i mesnih prerađevina. Snabdijevanje vodom za potrebe klaonice je riješeno iz vlastitog izvorišta.

Kapacitet klaonice je 750 kg obrađenog mesa sedmično. Kapacitet štale je 3 grla krupne stoke.

U predmetnom poslovno-proizvodnom objektu se vrši klanje krupne i sitne stoke i rasijecanje mesa.

Ne vrši se odvajanje krvi nego se ispušta zajedno sa tehnološkim otpadnim vodama.

Kože se privremeno skladište na predmetnoj lokaciji u buradima i prodaju trećim licima.

Tehnološke otpadne vode poslovnog objekata-klaonice i obrade mesa nastaju spiranjem površina unutar objekta klaonice, pranjem opreme koja se koristi u postupku klanja i prerade mesa.

Otpadne vode iz klaonice se prikupljaju putem slivnika sa rešetkom unutar objekta te preko mastolova ispuštaju u trokomornu septičku jamu. Preliv iz septičke jame se odvodi u gradsku kanalizaciju koja prolazi pored predmetne parcele a kojom upravlja JKP „ŠĆONA“ d.o.o. Fojnica.

Stajnjak se redovno sakuplja iz štale, u kojoj se privremeno drži stoka do postupka klanja, privremeno odlaže u đubrenku a potom se odvozi i koristi za podubravanje poljoprivrednih površina.

Animalni otpad se odlaže u posude za tu namjenu do konačnog zbrinjavanja.

Izveštaj rezultata ispitivanja kvaliteta tehnoloških otpadnih voda, urađen od strane „Inspekt RGH“ d.o.o. Sarajevo, decembar 2022 godine, ukazuje da parametri kvaliteta otpadnih voda su u skladu sa graničnim vrijednostima definisanim Uredbom o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20).

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom u dispozitivu ovog Rješenja, propisani uslovi u skladu sa odredbama Zakona o vodama, odredbama Uredbe o uslovima ispuštanja otpadnih voda u okoliš i sisteme javne kanalizacije i odredbama Pravilnika o sadržaju, obliku, uvjetima i načinu izdavanja i čuvanja vodnih akata.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontroli izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva, Durak Muharema iz Fojnice, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata



Haris Ališehović, dipl.inž.građ.

Dostaviti:

- Durak Muharem, Bježanija bb, Fojnica (Prilog-tehnička dokumentacija pod tačkom B obrazloženja ovog Rješenja)
- Ⓢ AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo